



Broj:11-16-6-932-2/17
Sarajevo, 15.03.2017. godine

Na osnovu člana 1. Pravilnika o izmjenama i dopunama Pravilnika o uslovima nabavke i načinu korištenja službenih vozila u institucijama Bosne i Hercegovine, broj: 139/15 od 15.09.2015. godine („Službeni glasnik BiH“, broj 78/15), člana 1. Pravilnika o finansijsko-materijalnom poslovanju Predsjedništva BiH, broj: 01-190-11/04 od 12. februara 2004. godine i 01-011-871-44/05 od 22.6.2005. godine, i Odluke o pokretanju postupka prodaje motornih vozila putem licitacije, sistemom zatvorenih ponuda, za potrebe Predsjedništva Bosne i Hercegovine, broj: 11-16-6-932-1/17 od 15.03.2017. godine, Predsjedništvo Bosne i Hercegovine raspisuje:

**JAVNI OGLAS
ZA PRODAJU MOTORNIH VOZILA PUTEM POSTUPKA LICITACIJE
SISTEMOM ZATVORENIH PONUDA**

I PODACI O MOTORNOM VOZILA

Redni broj	1	2	3
Marka vozila	BMW 740XD	VW PASSAT 2.0TDI COMFORTLINE	AUDI D
Registarske oznake	T75-0-528	J91-M-140	E59-K-515
Vrsta vozila	PUTNIČKO	PUTNIČKO	PUTNIČKO
Tip vozila	BMW740DXDRIVE	PASSAT 2.0 TDI COMFORTLINE	A8 4,2 FSI QUATTRO
Oblik karoserije	AA LIMUZINA	AA LIMUZINA	AA LIMUZINA
Boja vozila	CRNA	CRNA	CRNA
Broj sjedista	5	5	5
Pređena kilometraža	195000	337669	234010
Broj šasijske	WBAKCO100BC898337	WVWZZZ3CZ89000168	WAUZZZ4E08N002091
Broj motora	33847654	BKP 266993	BVJ014450
Snaga motora	225/306 KW	103 KW	257
Radni obujam motora	2993	1968	4172
Vrsta motora	DIZEL	DIZEL	BENZIN
Godina proizvodnje	2010.	2008.	2007.
Registracija vozila	VAŽI DO 30.12.2017.	VAŽI DO 10.08.2017.	NIJE REGISTROVAN
Stanje vozila	U VOZNOM STANJU	U VOZNOM STANJU	U VOZNOM STANJU
Početna cijena	38.000 KM	8.800,00 KM	17.000,00 KM

II. NAČIN PRODAJE

Prodaja motornih vozila se vrši putem postupka licitacije sistemom zatvorenih ponuda.

III. PREGLED VOZILA

Svi zainteresirani ponuđači mogu pogledati vozila dana 24.03.2017. godine, u vremenskom periodu od 10.00 do 14.00 sati, na parkingu KJKP RAD Vrbanja (kod mosta Vrbanja) u Sarajevu i dana 25.03.2017. godine na parkingu ispred zgrade Predsjedništva Bosne i Hercegovine, u vremenskom periodu od 10.00 do 14.00 sati.

IV. USLOVI PRODAJE

Prodaja motornih vozila se vrši po principu „viđeno-kupljeno“, bez naknadnih prigovora i reklamacija koje se odnose na stanje vozila.

Pravo učešća u postupku licitacije putem zatvorenih ponuda imaju sva pravna i fizička lica koja polože kauciju, osim uposlenika Predsjedništva BiH i članova njihovih porodica, kao i poslovni subjekti u njihovom isključivom ili djelimičnom vlasništvu ili njihovih srodnika.

U slučaju da ponuđač koji kupi motorno vozilo odustane od kupovine, uplaćeni iznos se ne vraća i služi za troškove ponovnog oglašavanja. Ostalim ponuđačima uplaćeni iznos će biti vraćen.

V. SADRŽAJ PONUDA

Ponude se dostavljaju na datom obrascu, s tim da:

- Pravne osobe dostavljaju ponudu s pečatom i potpisom ovlaštene osobe i dokazom o položenoj kauciji.
- Fizička lica dostavljaju ponudu uz prilog kopije lične karte, CIPS-ove prijave prebivališta i dokaza o položenoj kauciji.

Ponude se neće uzimati u razmatranje, ukoliko ne budu dostavljene na propisanim obrascima Predsjedništva Bosne i Hercegovine za pravna i fizička lica. Svi ponuđači su dužni položiti kauciju u iznosu od **300,00 KM, za svako motorno vozilo**, na blagajni Predsjedništva Bosne i Hercegovine, ulica Maršala Tita 16, broj kancelarije 72/II, u vremenskom periodu od 12.00 do 15.00 sati, od 27.03.2017. godine do 30.03.2017. godine.

VI. DOSTAVLJANJE PONUDA I VRIJEME ODRŽAVANJA LICITACIJE

Ponude se dostavljaju najkasnije do 30.03.2017. godine, do 15.00 sati, te se pristigle ponude poslije ovog roka neće uzimati u razmatranje.

Ponude se dostavljaju u zatvorenoj koverti, za svako motorno vozilo, poštom ili u pisarnici Predsjedništva Bosne i Hercegovine, ulica Maršala Tita 16, 71000 Sarajevo, s naznakom:

“Prijava na javni oglas za prodaju motornih vozila postupkom licitacije putem zatvorenih ponuda, za vozilo marke „_____“.

Javno otvaranje ponuda će biti obavljeno 30.03.2017. godine, u 16.00 sati, u zgradi Predsjedništva Bosne i Hercegovine, Maršala Tita 16, 71000 Sarajevo, Press-sala na I spratu.

Otvaranju ponuda mogu prisustvovati fizička lica lično ili po punomoćniku (uz dokaz o punomoći), te osoba koja je ovlaštena da zastupa pravno lice ili opunomoćenik za učešće u postupku licitacije (uz dokaz o punomoći).

VII. TOK LICITACIJE

Ponuđači su dužni prije početka licitacije dokazati identitet ličnom kartom ili pasošem, odnosno ovjerenom punomoći za zastupanje ukoliko se radi o zastupnicima.

Prije otvaranja prispjelih ponuda, predsjednik Komisije će prisutnima saopštiti pravila licitacije.

Kriterij za vrednovanje ponuda je **najviša ponuđena cijena** za svako motorno vozilo, a u slučaju da je ponuđeno više istih cijena za jedno motorno vozilo prednost ima ponuđač koji je najranije predao ponudu za „Javni oglas“ u Pisarnicu Predsjedništva Bosne i Hercegovine.

Licitacija će biti punovažna i u slučaju da ponudu dostavi samo jedan ponuđač.

Nakon zaključene licitacije utvrđuje se lista ponuđača i konstatuje se kome su motorna vozila prodana.

Ukoliko Predsjedništvo Bosne i Hercegovine ocijeni da najviša ponuđena cijena nije u skladu s očekivanim prilivom sredstava i da ide na štetu institucije, može se odustati od prodaje motornih vozila, te se u tom slučaju vraća položena kaucija ponuđaču, bez ikakvih pravnih posljedica za Predsjedništvo Bosne i Hercegovine.


VIII. OBAVEZE KUPCA

S ponuđačem koji ponudi najvišu cijenu za motorno vozilo po završenoj licitaciji zaključit će se kupoprodajni ugovor, ukoliko Predsjedništvo Bosne i Hercegovine ne odluči drugačije.

Rok za uplatu ponuđene cijene je 7 (sedam) dana od dana zaključivanja kupoprodajnog ugovora. Sve poreze i troškove oko prijenosa vlasništva snosi kupac, kao i obavezu transporta.

IX. DODATNE INFORMACIJE

Sve dodatne informacije mogu se dobiti na broj 567-584 ili na mobilni telefon 061 202 851. Kontakt osoba je Fikret Žiga.

GENERALNI SEKRETAR

Boris Buha

